

方廣大莊嚴經

第二

百九十八
王二

48053



元祿九年丙子二月日重脩

皇國現國 帝齋銀呂

佛日增輝 佛合輪常轉

山城州天安寺法金剛院置



方廣大莊嚴經卷第二

王

唐中天竺國沙門地婆訶羅奉詔譯

降生品第五

尔時佛告諸比丘菩薩為諸天人演說正法
勸勉開曉令其悅豫告天眾言我當以何形
像下閻浮提或有說言為童子形或有說言
釋梵之形或有說言神妙天形或有說言阿
脩羅軋閻婆迦樓羅緊那羅摩睺羅伽等形
或有說言日月天形或有說言金翅鳥形說
如是等種種形像尔時眾中有一天子名曰
勝光曾在閻浮提中為婆羅門於無上菩提
心不退轉作如是言圍陀論說下生菩薩當

作象形而入母胎即說偈言

菩薩降神應為象形端正姝好頂上紅色
皎潔鮮淨如白玻瓈具足六牙飾以金勒
無不吉祥圍陀先記三十二相當下閻浮
佛告諸比丘菩薩於兜率天宮周遍觀察將
下生時輸檀王宮先現八種瑞相何等為八
一者王宮忽然清淨不加掃灑無諸穢惡塵
土瓦礫螽蟓蚰蜒百足之類周布布散種種
妙華香氣芬馥二者從雪山中衆鳥來集異
類雜色毛羽光鮮於王宮中樓閣殿堂棟梁
軒牖哀鳴相和遨遊自樂三者於王宮中草
木華葉一時敷榮四者王宮池沼皆生蓮華

大如車輪有百千葉覆映水上五者王宮珍
器自然而有蘇油石蜜種種美味食而無盡
六者王宮樂器簫笛笙篳篥琴瑟之屬非因擊
奏皆出種種微妙之音七者王宮金銀瑠璃
碑磔瑪瑙摩尼珊瑚一切珍藏悉皆盈滿八
者王宮有大光明映蔽日月遇斯光者身心
安樂得未曾有如是名為八種瑞相是時摩
耶聖后澡浴莊飾塗諸天香著妙衣服衆寶
自嚴歡喜悅豫身心清淨以一萬姝女圍遶
侍從遊音樂殿中詣輸檀王於王右邊昇妙
寶網莊嚴之座坐已容貌熙怡開顏微笑於
是頌曰

善哉大王幸哀許
從是恒起仁慈心
不害衆生如愛己
遠離嫉妬諂曲心
聞此禁戒不隨喜
惟願令我得別居
諸善姝女常圍遶
凡鄙惡人令離我
一切囚徒悉寬宥
七日七夜廣行檀
必使正化輕僇役
各各慈心手相向

我今欲陳微妙願
當持八關清淨戒
三業十善常修習
願王於我莫生染
恐王長夜嬰苦報
宮殿香花自嚴飾
鼓樂絃歌演法音
姪穢香華皆弗御
要當遣彼囹圄空
給濟貧乏令充足
盡令公庭無諍訟
如昇忉利歡喜園

憐愍世間同一子

王聞此言大歡悅

即勅諸臣淨宮殿

復以二萬勇健軍

姝女絃歌相娛樂

珍牀寶座敷綰紵

法教如斯甚安樂

如所願者皆相許

幡蓋香華恣嚴飾

操持劔戟令防護

復以瓔珞莊嚴身

處在勝殿如天女

佛告諸比丘爾時四天王釋提桓因夜摩天

兜率陀天樂變化天他化自在天娑婆世界

主梵天王梵眾天梵輔天妙光天少光天光

嚴天淨居天阿迦尼吒天摩醯首羅天及餘

無量百千天眾悉皆雲集手相謂言菩薩將

欲下生我等諸天不往侍從墮無反復不知

恩養誰能堪任侍衛菩薩下閻浮提從初入
胎及以出胎童子盛年遊戲受欲出家苦行
詣喜提座降伏魔軍轉正法輪現大神力下
忉利天入般涅槃常能奉事終不捨離尔時
諸天子等而說頌曰

汝等誰堪任

歡喜隨菩薩

當得福增長

亦獲大名譽

若求忉利宮

勝妙常安樂

采女衆圍遶

應隨清淨月

若求妙園林

勝處常遊戲

寶地金華飾

應隨離垢光

若求象馬車

遊戲歡喜園

姝女衆圍遶

應隨大丈夫

若求夜摩天

及以兜率宮

所生常見敬

應隨大名稱

若求化樂天

自在諸宮室

遊戲變化樂

應隨功德者

若求作魔王

遠離諸毒心

神變窮邊際

應隨利益者

若求超欲界

任勝妙梵宮

修行四等心

應隨禪定者

若求生人間

受輪王勝報

七寶從心至

應隨離欲尊

若求人王位

長者及居士

財富無怨敵

應隨無上士

若求大富貴

端正及名譽

教令有威德

應隨梵音者

若求人天報

并致三界安

無漏慧及禪

應隨法自在

若求斷貪欲

及去瞋癡等

淡泊志寂然

應隨調心者

若求一切智

緣覺及聲聞

十方師子吼

應隨功德海

若求開惡趣

開諸甘露門

方昇八正道

應隨遠險路

若求見諸佛

聽受甚深法

及與眾福祐

應隨功德藏

若求出纏縛

生老病死苦

清淨如虛空

應隨離垢人

若求一切敬

相好莊嚴德

及能拯自他

應隨可欣樂

若求戒定慧

甚深難可證

智者速解脫

應隨大醫王

若求無量德

究竟皆圓滿

及生涅槃樂

應隨智成就

今時諸天眾會聞此偈已八萬四千四天王
天百千忉利天百千夜摩天百千兜率天百
千化樂天百千他化自在天六萬魔天前世
積德六萬八千梵眾天乃至阿迦尼吒天與

無央數百千諸天如是等天先來在會復有
他方東西南北四維上下無量百千諸天衆
等皆悉來集時大會中上首天子而說頌曰
汝等今應聽 我起決定心 捨欲及神通
諸禪三昧樂 隨從最勝者 降生處母胎
不令諸惡侵 常當為擁護 以諸妙音樂
讚誦功德海 今天人歡喜 發無上道心
人天聞是已 歡喜銷衆患 散以曼陀華
月華勝月等 及熏沉水香 供養淨福者
菩薩處胎中 不為三垢染 越於生老死
得道窮邊際 我等持淨心 隨從智慧者
釋梵天王等 見行七步時 以手捧香水

浴是無垢聖 順世諸所為 人天獲大福

處欲常無染 踰城棄寶位 我等願隨逐

敷草坐道場 降魔成正覺 勸說微妙法

佛事徧三界 甘露洽羣生 乃至歸涅槃

常隨無暫捨

佛告諸比丘欲界無量天女見菩薩身形相

微妙將欲下生各作是言何等女人應生菩

薩必有勝德堪懷尊者咸皆慕羨懷敬愛心

以已福報獲彼神通得意生身自彼天宮於

剎那頃至迦毗羅城其迦毗羅城周匝百千

園林池沼莊嚴殊勝如帝釋宮於其宮內有

一大殿名曰持國摩耶聖后住在其中種種

莊嚴敷置綺麗清淨無垢光明威神聖后身
佩纓絡被以天衣種種妙寶莊嚴其體時諸
天女至此殿已住在虛空瞻於聖后而有偈言
欲界諸天女 觀菩薩妙身 咸作是思惟
菩薩母何類 競持華鬘等 塗香及末香
歡喜詣王宮 合掌而恭敬 袪服麗容貌
舒手咸共拍 見坐勝寶牀 善心諦觀察
人間斯妙質 天上未曾有 我等常自謂
天女中殊勝 今覩斯人已 自生輕賤心
勝功德莊嚴 顏容甚端正 若非此勝德
誰堪菩薩母 譬言如無價珠 置於淨寶器
如是菩薩母 堪懷勝德人 見者生歡喜

其心無猷倦

面目甚端正

身相極光明

如月在虛空

觀之而意淨

如日盛暉耀

如真金百鍊

見彼菩薩母

光相亦如是

髮香且柔澤

紺黑類玄蜂

皓齒如空星

目若青蓮葉

支節善隨轉

手足皆平正

天中尚無匹

人間誰與比

如是審觀察

右遶散香華

稱名歎佛母

還返於天上

余時四護世

釋梵及欲天

并餘八部眾

皆來衛佛母

諸天咸已見

菩薩將下生

賈持妙香華

歡喜詣前任

合掌稽首請

下生時已至

辯才師子王

哀愍生世間

佛告諸比丘菩薩將下生時東方有無量百

千菩薩皆是一生補處來詣兜率天宮供養
菩薩南西北方四維上下一生補處皆至兜
率天宮供養菩薩十方世界四天王天三十
三天夜摩天兜率陀天樂變化天他化自在
天如是等各與八萬四千天女前後圍遶至
兜率宮鼓樂絃歌供養菩薩爾時菩薩處大
樓閣坐於衆德所生勝藏師子之座彼諸菩
薩及無量百千萬億那由他諸天圍遶供養
恭敬尊重讚歎即於兜率最勝天宮而使降
生將下生時放未曾有身相光明遍照三千
大千世界世界中間幽冥之處日月威光所
不能照而皆大明其中衆生各得相見咸作

是言云何此中忽生衆生是時三千大千世
界六種震動有十八相所謂搖動極搖動遍
搖動扣擊極扣擊遍扣擊移轉極移轉遍移
轉涌覆極涌覆遍涌覆出聲極出聲徧出聲
邊涌中沒中踊邊沒東踊西沒西踊東沒南
踊北沒北踊南沒是時一切衆生歡喜踊躍
愛樂清淨快樂無極稱揚讚美聞諸聲時無
一衆生恐懼驚駭惛憒釋護世日月威光皆悉
不現一切地獄畜生餓鬼及諸衆生皆蒙安
隱無一衆生於此時中爲貪瞋癡等一切煩
惱之所逼迫手相慈愍起利益心如父如母
如兄如弟人天樂器不鼓自鳴無量諸天頂

戴擎捧是妙樓閣無量百千天女前後圍遶
奏天伎樂其樂音中出是妙偈歎菩薩曰
尊者長夜積修習
住於真正勝理中
往咎無量拘胝劫
由彼行檀獲勝報
自割身肉而稱之
復以行檀獲勝報
尊者過去無邊劫
由彼尸羅獲勝報
尊者過去無邊劫
由彼屢提獲勝報
所有淨業皆圓滿
今致天人上供養
能施所愛妻子等
故得諸天妙華香
慈心救彼垂死鴿
能令餓鬼得充足
堅持淨戒未嘗毀
能令惡趣息衆患
求菩提故行忍辱
能令人天乎慈愍

尊者過去無邊劫
由彼勤劬獲勝報
尊者過去無邊劫
由彼禪那獲勝報
尊者過去無邊劫
由彼波若獲勝報
被慈甲冑除煩惱
證得第一妙喜捨
照以智慧光明炬
三千大千以為眼
勝慧神足得諸通
自既得濟能拯物

勝修精進無付已
身相端嚴如須弥
為斷結使修諸定
能令今世無煩惱
修習智慧斷諸結
能使光明甚清淨
由愍世間今現生
尊獲梵住歸命禮
淨除癡冥諸過失
歸命牟尼大導師
見真實義能示現
歸命船師能度者

隨順世法示同凡
一切衆生若聞見
況復聽聞尊妙法
兜率天宮行暗冥
煩惱惛睡諸羣品
迦毗羅城益興盛
諸天寶女奏天樂
佛母妙色以莊嚴
聖子端正甚竒特
其國所有諸衆生
一切慈心相敬順
輸檀王種當興盛

不爲世法之所染
獲不思議勝利益
信樂當生廣大善
閻浮提中日將出
尊者皆當令覺悟
無量諸天衆圍遶
周遍王城演妙音
福德威容乘淨業
光明遍照三千界
皆離諍論諸煩惱
悉由菩薩之威力
由斯應紹轉輪王

其城所有諸珍藏

一切衆寶皆盈滿

夜叉羅刹鳩槃荼

脩羅密跡諸天衆

守護菩薩所居處

不久皆當證解脫

悉以迴向菩提道

願速如尊成正覺

處胎品第六

佛告諸比丘冬節過已於春分中毗舍佉月

叢林華葉鮮澤可愛不寒不熱佉宿合時三界勝人觀察天下白月圓淨而弗沙星正與月合菩薩是時從兜率天宮沒入於母胎爲白象形六牙具足其牙金色首有紅光形相諸根悉皆圓滿正念了知於母右脇降神而入聖后是時安隱睡眠即於夢中見如斯事

尔時世尊欲重宣此義而說偈言

勝人託生為白象

皎潔如雪具六牙

鼻足姝妙首紅光

支節相狀皆圓滿

降身右脇如遊戲

佛母因斯極歡喜

未曾得見及未聞

身心安隱如禪定

尔時聖后身心遍喜即於座上以眾妙寶莊

嚴其身無數姝女恭敬圍遶下於勝殿詣無

憂園到彼園已遣信白輸檀王言要欲相見

王宜暫來王聞是信心甚歡喜從寶座起與

諸臣佐及諸眷屬前後翊從詣無憂園既至

園門舉體皆重不能前進而說偈言

憶昔赴強敵 身猶不為重 今者忽如是

此變當問誰

時淨居天子於虛空中現其半身為輸檀王而說頌曰

菩薩大威德

下於兜率宮

託在聖后胎

為王之太子

衆行皆圓滿

人天所恭敬

具慈悲福慧

灌頂當受職

時輸檀王聞是偈已合掌稽首作如是言我今見此希有之事於是入見聖后自除憍慢前問聖后欲何所求惟願為說今時聖后以頌荅曰

我於睡夢中

見象如白銀

光色超日月

身相甚嚴淨

六牙有威勢

難壞如金剛

支體甚堅好
來入於我腹
介後多瑞相
願王今善聽
我見三千界
弘敞廣嚴飾
每於寢寐時
諸天來讚我
貪瞋等煩惱
結使皆銷滅
我心寂靜樂
如在禪定中
宜喚占夢人
明解韋陁論
善閑八耀法
能辯吉凶者
速召彼人來
爲我解斯夢
時王聞此語
即召占夢人
而語彼人言
宜瞻聖后夢
聖后時告彼
己所夢因緣
汝旣稱善占
吾今爲汝說
我夢象如雪
逾於日月光
威勢有六牙
支體甚嚴好
妙色極光淨
堅密如金剛
來入我腹中
我夢如是事
其人聞聖后
說所夢因緣

皆曰無不利 斯夢甚為吉 種族當興盛
必生勝相子 在家作輪王 威力統所化
出家成佛道 哀愍諸世間 當灑甘露法
為天人所敬

時輸檀王聞婆羅門解夢因緣心甚歡喜即
以上妙衣服種種美食而賜與之令歸本處
佛告諸比丘時輸檀王於四城門四衢道中
為菩薩故設大施會須食與食須衣與衣乃
至香華卧具田宅騎乘一切所求皆悉給與
王時念言於何宮殿安置聖后令得無憂歡
樂而任時四天王來至王所作如是言惟願
大王善自安隱勿思此事我與菩薩取妙宮

殿時天帝釋即來王所而說偈言

護世宮為劣 不堪聖后居 忉利有勝殿

持來奉菩薩

時夜摩天子復來王所而說偈言

我有勝妙殿 超過忉利宮 在彼夜摩天

今持奉菩薩

兜率天子復來王所而說偈言

兜率妙天宮 菩薩本居止 是為最殊勝

還持奉菩薩

化樂天子復來王所而說偈言

我有寶宮殿 隨心所化生 莊嚴甚奇妙

願以奉菩薩

他化自在天子復來王所而說偈言

我有妙宮殿 超過諸欲天 衆寶所莊嚴

清淨悅心意 光明甚竒耀 周帀散香華

願以安聖后 持來奉菩薩

佛告諸比丘是時欲界諸天子等為供養故

各各賈彼所有宮殿來至輸檀王宮其王亦

為菩薩造妙宮殿綺飾精麗人間所無尔時

菩薩以大嚴三昧威神力故令彼一切諸宮

殿中悉現摩耶聖后之身皆有菩薩於母右

脇結加趺坐諸天子等各各自謂菩薩之母

惟任我宮尔時世尊重說偈言

大嚴三昧神化難思 諸天悅豫 父王歡喜

說是經時會中有諸天子生如是念四天王
天聞此人間汙穢不淨況乎此上三十三天
乃至兜率諸大天耶云何菩薩世間之寶最
勝清淨殊妙香潔乃捨兜率處在人間於母
胎中經於十月余時阿難承佛威神長跪合
掌而白佛言世尊女人之身多諸欲惡云何
如來為菩薩時乃捨兜率處於母胎右脇而
住佛告阿難菩薩曾在母胎不為不淨之所
染汙恒處寶殿嚴淨第一如是寶殿為欲見
不當示於汝阿難白佛言世尊願垂顯示令
諸見者皆生歡喜余時如來即以神力令娑
婆世界主梵天王與六十百千億梵天下閻

浮提來詣佛所恭敬稽首右遶三匝却住一
面。爾時世尊知而故問梵天王言：我昔爲菩
薩時，在胎十月所居寶殿，今爲所在？汝可持
來。梵天王言：今在梵世時娑婆世界主。稽首
作禮，忽然不現於剎那頃，昇于梵宮，告妙梵
天子言：汝宜次第下至三十三天，高聲唱言：
今日梵王欲將如來處胎之時，所居寶殿還
至佛所。若欲見者，宜可速來。爾時梵王即持
菩薩之殿，置梵殿中。其梵殿量縱廣正等三
百由旬，而與八萬四千拘胝梵天恭敬圍遶。
從於梵世下閻浮提，是時欲界無量諸天皆
悉雲集於如來所。以天妙衣種種伎樂華鬘。

妙香天莊嚴具而爲供養時天帝釋乃至他
化自在永不能覩菩薩之殿雖審觀之亦不
能見時四天王問帝釋言我等作何方便能
覩斯殿帝釋報言當請如來乃得見耳時天
帝釋與四天王稔首請佛是時大梵天王先
與諸梵捧菩薩殿置於佛前其殿三重周帀
瑩飾皆以牛頭栴檀天香所成其香一分價
直三千大千世界光明照耀以天衆寶而嚴
飾之床座器物皆稱菩薩微妙綺麗人天所
無惟除菩薩旋螺之相大梵天王所著天服
至菩薩座猶如水漬欽婆羅衣其三殿內周
帀皆有淨妙天華其殿堅牢不可沮壞凡所

觸近皆生妙樂如迦隣陀衣欲界一切諸天
宮殿悉現菩薩寶殿之中

佛告諸比丘菩薩入胎之夜下從水際涌出
蓮華穿過地輪上至梵世縱廣正等六十八
洛义由旬如此蓮華無能見者除諸如來并
諸菩薩及大梵天王於三千大千世界之中
所有清淨殊勝美味猶如甘露現此華中大
梵天王以毗瑠璃器盛此淨妙甘露之味奉
上菩薩菩薩於是受而食之比丘當知世間
衆生無有能食如是甘露之味惟除十地究
竟最後身菩薩方能食耳諸比丘菩薩以何
善根而感斯味由管長夜行菩薩道時能以

醫藥救濟病苦所有欲願皆令滿足一切恐懼能施無畏又以上妙華果供養如來及佛塔廟一切聖衆父母尊長如是施已然後自受由斯福報感大梵王每持甘露之味而以奉獻於寶殿內上妙衣服諸莊嚴具種種器物菩薩本願力故隨意能現阿難一切菩薩將入胎時於母右脇先有如是寶莊嚴殿然後從兜率天宮降神入胎於此殿中結加趺坐阿難十方世界一切摩耶聖后皆於夢中見白象來釋提桓因及四天王二十八夜又大將皆悉隨從而衛護之復有四天女一名鄔佉梨二名侔佉梨三名幢至四名有光亦

與眷屬常來衛護

尔時菩薩處母胎中身相光明猶如夜暗於
山頂上然大火炬亦如真金在瑠璃中光明
洞照普遍世界四大天王二十八夜义大將
與其眷屬每於晨朝恭敬供養皆見菩薩安
慰問訊徐舉右手拍座令坐為其說法示教
利喜得未曾有若欲去時菩薩徐舉右手使
之而去頂禮圍遶辭退而去釋提桓因與三
十三天每於中時恭敬供養為聽法故皆見
菩薩安慰問訊徐舉右手拍座令坐為其說
法示教利喜得未曾有若欲去時菩薩徐舉
右手使之而去頂禮圍遶辭退而去娑婆世

界主大梵天王每於申時與無量百千梵眾
天子恭敬供養為聽法故皆見菩薩安慰問
訊徐舉右手拍座令坐為其說法示教利喜
生歡喜心得未曾有若欲去時菩薩徐舉右
手使之而去頂禮圍遶辭退而去阿難東西
南北四維上下周遍十方無量百千諸菩薩
眾於日入時恭敬供養為聽法故而來至此
尔時菩薩化作莊嚴師子之座令諸菩薩各
坐其上互相問答辯析上乘此等諸來大菩
薩眾惟是同行同乘之所能觀摩耶聖后亦
不能見阿難菩薩處胎之時不令聖后身覺
沉重及諸苦逼柔輒輕安怡懌歡暢無有貪

欲瞋恚愚癡熱惱之患亦無欲覺恚覺害覺
亦無冷熱飢渴惛惑罪垢散亂亦無不可意
色及聲香味觸一切惡境亦無惡夢亦無女
人貪誑諂曲嫉妬諸煩惱過具足受持清淨
禁戒行十善道不於他人而生欲心亦無他
人能於聖后而生欲想於迦毗羅城及諸聚
落并餘國土所有男女若童男若童女或為
鬼神之所著者見菩薩母皆自痊愈或有衆
生得種種病風黃痰氣盲龍聾啞痺牙齒齩痛
癩癰白癩疔渴顛眩癭癩瘡癰種種諸病見
菩薩母舒手摩頂自然消除設有衆生得如
是病不獲親來見菩薩母聖后亦時折草為

籌呵而以賜之纔執籌籌時所有病苦皆得銷散
平復如本聖后若觀菩薩之時見於腹中右
脇而住如明鏡中覩諸色像歡喜和悅身心
泰然阿難菩薩處胎之時諸天常奏天樂雨
衆天華供養菩薩是時國界寧靜景候調和
人民安樂好行恩惠諸釋種子皆悉弃惡修
習善事於諸節會遊戲園林受勝妙樂歡娛
怡暢時輸檀王隨順法行不樂世榮捐弃國
務如苦行者阿難菩薩處母胎中神力現化
成就如是

尔時世尊告阿難言汝等當觀佛在胎時所
居寶莊嚴殿阿難言唯然世尊願爲顯示世

尊尔時即為阿難釋提桓因及四護世并餘
天人顯示如來處胎之時寶嚴之殿皆大歡
喜得未曾有生清淨心作是現已大梵天王
還持寶殿歸於梵世佛告諸比丘菩薩處胎
之時已能化導三十六那由他天人令住三
乘尔時世尊欲重宣此義而說偈言

最上勝人初入胎
金色淨光銷惡趣
為欲成此大法王
導師所居之寶殿
此香一分之價直
下方踊出大蓮華

大地山林皆震動
一切天人咸喜悅
示現胎中寶嚴殿
栴檀妙香極嚴飾
等彼三千界珍寶
其華高至于梵世

華中所承甘露味
世間一切諸群生
惟除最後身菩薩
積劫所集福威力
帝釋梵王四護世
奉事頂禮聞妙法
如是十方菩薩衆
坐於光明衆寶床
各恣言談兩相顧
四方男子及女人
露首袒體心狂亂
所有黃痰與顛癩

梵王持以獻菩薩
無有能銷一滴味
方能致斯甘露食
服者身心得清淨
稽首供養於導師
歡喜右遶而辭去
亦復因斯樂法來
聞大乘法生歡喜
無量稱揚還本國
為彼鬼魅所纏縛
若見佛母皆除愈
盲聾瘖瘂種種疾

佛母舒手摩其頂
或有困篤在遠方
籌壽至病者尋平復
由法醫王在腹中
聖后自觀菩薩體
形相微妙甚端嚴
無復貪瞋癡所擾
不為飢渴寒熱侵
人天上下更相見
國土清寧甚安隱
龍天由斯降時澤
惠施一切之所須

衆病應時得銷散
折草作籌壽而惠之
世間無不蒙衆祐
苦惱衆生盡安樂
猶如空中見明月
歡喜悅樂心安任
亦無愛欲嫉妬害
身心靜然離衆惱
音樂不鼓而自鳴
眷屬欣豫同無患
草木華菓盡敷榮
王宮七日雨珍寶

是時無有貧乏者
王修法行持淨戒
由此聖后懷菩薩

猶如帝釋歡喜園
雖處堂殿如林野
每入後宮親慰問

方廣大莊嚴經卷第二

王

翅

施智反 鳥名

姝

昌未反 美也

瓦礫

下音 曆

反 蚰蜒

上音 由下音 延上音 小由下音

芬馥

下音 伏香 氣盛也

相和

下音 去

聲 遨遊

上音 吾及 高反 及之

琴瑟

下音 風

澡浴

上音 早 下音 洗

熙怡

上音 許和 悅反 之下 余也

嬰

一盈反 抱也

寬宥

當 庭字

赦也

圜圜

上音 周時 獄名

佻俊

上音 使也

迤連

庭字

操持

上音 七反 戈居 逆反

戟

反

統

上音 紆

淡泊

下音 縣也

靜也

拯

上音 拔也

佩

反 蒲姝

袷服

上音 盛

鍊

也

方廣莊嚴經第二卷釋音

王

擾病上 亂音下 也音遶
 徒甘中水 反病也 胷必至 痺冷濕 脚齩 齩齒 主反 瘰癧累下
 結音曆 病也項上 痲渴 銷音 顛眩 下音 一音 懸一 瘰癧瘰癧
 病下音 領反 節瘡 上音 瘡瘡 盤下 音音 籌反 直音 流音 魅反 密二
 節瘡 上音 瘡瘡 盤下 音音 籌反 直音 流音 魅反 密二

訊問音 信怡 懌懌 和悅 他痊 愈疾 疾之 瘡也 瘡瘡
 密二 反下 瑩光 紆定 反也 漬浸 智反 鳥一 古侔 莫浮
 下也 腋翊 從下 去聲 呼也 尚尺 兩反 虛寢 寐七
 昏伯 睡明 上音 昏不 佞丘 迦也 互宿 方音 宿名 佐東 脇虛
 力反 下稱 之秤 今用 劬勤 也俱 反反 悸心 動也 反反 逼迫 彼上
 郎殿 皓胡 老反 扣音 苦候 反反 悸心 動也 反反 逼迫 彼上

